

sua testa, et li tolse tutto el reame de l'Hongaria sotto el suo poter. Poi havendo inteso mia Maestà le preditte cose, subito comandato a Ibraym bassà, mio primo visier degno et valente, che andase una giornata avanti con tutte le gente de la Romania et alquanti pedoni et a cavallo, schiavi de mia Maestà grande, et mia grande Maestà andava *subsequenter* drio de lui *cum* Agias bassà et Casim bassà mei visieri, et con tutta la mia Porta, et driedo veniva 255* Bechram bassà, begliarbei de la Anatolia, con tutto l'exercito di l'Anatolia. Et venuti a Belgrado fessimo far un ponte sopra il fiume di la Sava et passato ditto ponte venissemo in la Serimia, et tutte le terre erano in esso loco si reseno, et fato il ponte pasasimo, portade le chiave sue. Venuti poi sul fiume de Drava et da quel loco venissemo nel loco ditto Machaz, dove combatesemo con il re, dove ditto re Joanne vene a la Porta de mia grande Maestà, da la qual li concessi il regno di Hongaria. Et levati de li, el ditto re n'andò una giornata avanti *cum* el suo exercito, et a li 29 de la luna de zachize, ch'è a li do setembrio, giongesemo a Buda, et li *etiam* gionse tuta la mia armada per el fiume del Danubio. Et ciò inteso el prefato Ferdinando fuggendo se ne andò in Alemagna. Dentro in Buda lascio quatro capitani *cum* molti fanti in custodia et defension de la città, quali comenzorno combater con el mio exercito. La mia molto grande Maestà comandò che la dita città fusse circumdata *cum* le mie artellarie dal mio exercito, et così comenzorno a expugnarlo, et tre giorni fu oppugnado come eluso, et al quarto giorno prendesemo la terra de Fari et li homeni fugiteno et andorno in la fortezza dove con li schiopi et artellarie li circumdasemo, et vedendo che i non potevano scapolar dimandorno misericordia, prendesemo la forteza et tutto il resto de Hongaria et tutte le sue terre. Et ho donato el regno di Hongaria al prefato Johanne, secondo el costume de mia molto grande Maestà *cum* tutti li lochi et terre sue, azio el daga carazo a la Porta di la Maiestà mia. Havemo habuto *etiam* con lo aiuto de Dio la corona vecchia de Hongaria, che niuno poterà esser re senza haver messa in capo ditto corona. Ma el proposito veramente mio era di non zercar queste cose, ma di trovar el re Ferdinando, quale vene ad occupar per forza el regno de Hongaria, et levatosi de ditto loco se ne andò in Alemagna, et mia Maestà molto grande levatosi de li *cum* tutto el mio exercito andò seguitandolo, et per el camino trovò alcune terre *videlicet* Strigonia, Comaza, et Talayor, et Obar, et molte altre terre de le

qual alcune si resero, alcune forno dereliete da li suoi habitatori che fugitero, qual prefate tutte terre prendesemo *cum* tutti li confini de Hongaria. Et de li levatone, intrasemo ne li confini di la Alemagna et sopra i confini una terra che si chiama Pruch, et una altra che la chiamano Cità Rosa (*Nova*), et molte altre terre venero a rendersi a la mia molto grande Maestà. Et levatone de quelli lochi a li 22 de la luna di micharea, zioè 25 di septembrio, venisemo a la città dita Viena. Et ciò inteso, il prefato re si levò et fuggendo se ne andò al regno di Bohemia, et in la città nominata Praga, et li se ascose, del qual più non intendesemo si era morto o vivo. Et così per comandamento de la mia molto grande Maestà furno mandate alcune gente a brusar et distruger tutto el suo paese, et la mia armata *etiam* andò per il Danubio destrugendo molti lochi, la qual armata et la mia Maestà *etiam* stete li sotto dita Viena 20 giorni. Voltosi de li, mia Maestà molto grande vene a Buda, et il prefato re Joanne vene et basò la man de mia Maestà, quale comandò che fusse data la antedita corona ne le man di esso re. Et da quel loco *cum* lo aiuto de Dio me inviai verso la mia sedia a Constantinopoli. Pertanto sia noto a vostra illustreza che, per la bona fede et amicitia interceda fra noi, mandemo il nostro schiavo Jonus interprete de la mia Porta della molto grande mia Maestà per ambador, azio vi porta le bone nove et congratulation. Sapiate vostra illustreza che havemo commessò al prefato schiavo nostro che habbia a dirvi alcune parole, et li darete fede a quanto vi dirà. Non altro per hora.

Data a Belgrado, 13 novembrio 1529.

A dì 19 decembrio, domenega. La note pioveve assai, et cussì la matina et quasi tutto il zorno, et con gran vento di buora, et fo stranio temporal. 257¹⁾

Di Bologna, fo lettere di l'orator Contarini di 16 et 17, hore 8. Come erano stati insieme con li deputadi per formar li capitoli di la paxe, et li hanno mandato li capitoli fo fati del 1523, quali bisogna reformarli in certa parte non da conto, et zerca li foraussiti, zerta cosa *ut in litteris; tamen* per questo non si restarà di stender la scrittura.

In questo mezo haverò la risposta di le lettere scrite per lui; il duca di Milan si duol et non li par questa paxe, quanto a lui, possi durar.

Scrive che, a li 9, Fiorentini feno uno editto, tutti li fiorentini foraussiti debbano tornar in la terra

(1) La carta 256^o è bianca.